



Broj : 10/E-11-5078/25
Sarajevo: 21-08-2025 godine

Na osnovu člana 10. stav (3), člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a shodno zahtjevu Službe za lokalno-ekonomski razvoj i mjesnu samoupravu broj: 11-45-sl./25 od 19.08.2025. godine, Općinski načelnik d o n o s i

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzima se nabavka žardinjera, u okviru projekta „Streets for Citizens“, potpisanog između glavnog partnera JS PTUJ d.o.o. Slovenija i partnera Općine Centar Sarajevo dana 29.04.2025. godine.

Član 2.

Procijenjena vrijednost za usluge iz člana (1) ove odluke iznosi ukupno 32.864,00 KM, a sredstva su planirana u Budžetu Općine Centar Sarajevo za 2025.godinu, na budžetskom kontu: 613410 – Administrativni materijal i sitni inventar (05713 Projekt Streets For Citizens).

Član 3.

Ova Odluka odluka stupa na snagu danom donošenja i bit će objavljena na službenoj stranici Općine Centar Sarajevo.

O b r a z l o ž e n j e

Služba za lokalno-ekonomski razvoj i mjesnu samoupravu obratila se zahtjevom broj: 11-45-sl./ od 19.08.2025. godine za donošenje odluke o izuzeću od primjene Zakona o javnim nabavkama za nabavku žardinjera u okviru projekta „Streets for Citizens“, potpisanog između glavnog partnera JS PTUJ d.o.o. Slovenija i partnera Općine Centar Sarajevo, dana 29.04.2025. godine.

U zahtjevu se navodi da se, radi potrebe realizacije projekta „Streets For Citizens“, koji se sprovodi u okviru transnacionalnog programa „Interred EURO-MED, pokreće postupak nabavke robe – žardinjera, kao dio navedenog projekta („Streets for Citizens“).

Nabavka se vrši u skladu sa članom 121. Uredbe Evropske komisije (718/2007 i 80/2020), kojom je propisano da se postupci nabavke koji se realizaciju van teritorije Evropske unije, a finansirani su sredstvima EU, sprovode u skladu sa PRAG pravilima za realizaciju nabavki.

Projekat se u cijelosti finansira iz sredstava Evropske unije kroz Interreg Euro-MED program. Procijenjena vrijednost nabavke iznosi 32.864,00 KM bez PDV-a.

U sklopu projekta planirana je nabavka roba – žardinjera za unapređenje urbanih prostora, s ciljem poboljšanja kvaliteta prostora za zajednicu i podsticanja održive mobilnosti. Ova aktivnost usmjerene je na unapređenje zelenih površina, čime se doprinosi poboljšanju životne sredine, ako i većem angažovanju građana u procesima urbanog planiranja i revitalizacije javnih prostora.

Predmeta nabavka će se provesti u skladu s pravilima Praktičnog vodiča za postupke ugovaranja u okviru vanjskog djelovanja EU – PRAG („EuropeAid“, 12.21, 01.23, 11.23 i 01.25).

Shodno navedenom, neophodno je, prije sprovođenja postupka nabavke, donijeti odluku o izuzeću od omogućava izuzeće u slučajevima kada se sredstva obezbjeđuju putem međunarodnih sporazuma ili projekata, a uslovi ugovaranja su definisani samim projektom i partnerskim odnosima.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (3).

Članom 10. stav (3) Zakona o javnim nabavkama, propisana su izuzeća od primjene odredbi ovog zakona, gdje je definisano:

„U slučaju ugovora o javnoj nabavci iz stava (2) ovog člana koje u iznosu većem od 50% sufinansira međunarodna organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke“.

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14, 59/22 i 50/24) u skladu sa članom 10. stav (3).

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613410 - Administrativni materijal i sitni inventar (05713 Projekt Streets For Citizens).

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama na konačno odobravanje i saglasnost.

Cijeneći prethodno navedeno donesena je Odluka kao u dispozitivu.



Dostaviti:

1. Službi za lokalno-ekonomski razvoj i mjesnu samoupravu,
2. Kabinetu općinskog načelnika - Odsjeku za javne nabavke,
3. Službi za finansije,
4. Evidenciji